

Margarita Plaza Cares :

Tremendo iniciativa pa yuda Fundacion Creciendo

Maragrita Plaza Cares hunto cu fundacion Creciendo den un evento di compras caritativo dia 6 di juni 2015, cuminsando 10'or, ta bin cu un incentivo completamente nobo pa no solamente crea fondo pero tambe conscientisa tur hende di e necesidad cu tin den comunidad.

Pa mas di 3 aña consecutivo Fundacion Creciendo ta traha a base boluntario pa yuda mucha y hoben den nos comunidad. Loke a inicia como un proyecto di arte terapia, awe a bira un 'move-

ment' di proyecto y actividadnan durante henter aña pa yuda nos muchanan na un futuro mas cla.

Den cuadro di e temporada di aña escolar nobo y den preparacion di esaki, Fundacion Creciendo ta duna inicio na su Bags4School Campaign, unda hunto cu sector priva, comerciantenan y boluntario ta tene diferente campaña pa yega na fondo pa adkiri articulonan di scol pa mucha y hobennan di menos recurso. Pues e aña aki Creciendo ta mas agresivo cu nunca, mirando cu aña pasa nan a cera buki cu mas di 450 mucha

y hoben cu a wordo yuda.

E aña aki e fundacion ta conta cu sosten masal di comerciantenan cu a acerca president Joase-Ann van der Biest, kende no ta un desconocido den e sector social caritativo riba nos isla, pa tene un dia di compras cu lo contribui hunto cu comunidad na e Bags4School.

Aki ta trata di tiendanan renombra manera ONYX, Columbia, Runners, YOLO, Catapilar, Chico y San Marina situa den Margarita Plaza, cu lo tin prijsnan special riba nan mercancía pa asina

yega na un suma pa yuda e fundacion y e causa aki. Tambe e fundacion ta conta cu banda di e fondo, ya caba e tiendanan a indica di lo tin piesanan di paña, keds, sapato, etc cu nan lo duna pa yuda muchanan cuminsa nan aña escolar bon den un ambiente positivo.

Pa Margarita Plaza y e propietario di cada un tienda e ta hopi importante pa sostene causanan asina y apart cu nan 'granito di arena' tambe na yuda e futuro generacion bay dilanti.

Esaki ta prome biaha cu Margarita Plaza ta forma parti di

un evento asina aki y ya caba a duna indicacion di lo organiza esaki tur aña pa aporta na mehora e calidad di bida di cada mucha cu mas mester di dje.

Durante e evento aki lo tin 'elite live dj' cu sin duda algun ta para cla pa yuda recauda fondonan pa nos muchanan, ta trata aki di Phattunez by Edson Jr, Mesquita, Myron Kelly y Reinier.

Fundacion Creciendo y Margarita Plaza ta invita comunidad completo pa bin disfruta di un dia ameno, probecha di e descuentonan y aporta na un bon causa, Nos ta warda bo! □